

دائرة مخصوصه

درسعادتده باب عالی جوارنده

محل اداره :

# مُتَابِقَاتُ الْقِيمِ

اخطار :

مسكمنزه موافق آثار جديده مع المنو تبه

قبول اولنور

درج ايدلهين آثار اعاده او نماز

دينه، فلسفه، علوم، حقوق، ادبياتده و سياسياتده و بالخاصه كرك سياسي او كرك اجتماعي و مدني احوال و مشوره اسلاميه دنه بحث ايدر و هفته ده بر نشر اولنور.

آبونه بدلی

سنه لكي التي آيلقى

ممالك عثمانیه ایچون	۸۰	۴۰	غروش
روسیه	»	۳۰۰	روبله
سائر ممالك اجنبیه	»	۹	فرائق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاردر

قیرله دن مقوا بورو ایله کوندریلیرسه سنوی

۲۰ غروش فضله آلتیر

لری ده بری برندن قصقا ملرندن ایلری کلیور . رقابت اولسه همان یوتغه حاضر درلر .

چین فیما بعد آوروپانک مرعاسیدر ، هپ اوتلایه جقلر . چین جزئی عقلانی باشنه طوبلایه رق بر اثر حرکت کوسترسه ایکی میسیونرک جانی فدا ایدرک ها بوکسیر فتنه سی دیه کاورلر ، بالاتفاق اورورلر ، سوکره دخی بر زمان مرهونه قدر یرلر .

یوزملیون خلق اولان ترکیه پی ایکی یوزسنه در یهدیلر ، تایکرمی ملیون قانجه یه قدر . البته اوچوز ملیون بلکه دهها زیاده چین دخی ، یوزسنه یه قدر وارماز محو اولور . زیرا اصول جدید قاعده سنه موافق یرلر .

ایشته چین استقبالی ایچون شو احتمال وار . تخلیص کریبان ایدرلرسه ، آفرین چینلیرسه دیه جکمز ، بلکه کمال خلوص ایله موفقیتلری تبریک و تقدیس ایده جکمز شه سزدر .

شوده خاطریم ، کلدی ، بهض بزم کبی ساده دلار دوشورلر : بو قدر بیوک مملکتی عجیبا نصل یوتارلر؟ بوغازلرندن نصل کچیره بیلیرلر؟ پک مستحیل کورونیور .. اوت ، طوغری در ، اولدینی کبی بونلرک بوغازلرندن کچه من ، لکن بونی بزدن مقدم آوروپالیرده ملاحظه ایتمشله کچمه جکنی ده قطعی صورتده کلامشله ، بناء علیه ابتدا پارچه لامق چاره سنی نظراعتباره آله رق اول امرده بونک اسبابنه تشبث ایتمشلر در . حالا چین داخنده مکمل صورتده آوروپالیرلر شیمدیکی حالده اختلاف تخمینی اکمشله ، شیمدی همان شونی بر آزار اول یتشدرمک فکرینه صواشسیورلر . مانچوریه پی آیره جقلر ، مانغولیه پی آیره جقلر ، تبت ذاتاً بتون آیرلش حکمنده در ، تونکن فرانسرلرده . وای های وای المانلرده ، برقاچ سنه سوکره بونلرده آزار آزار توسیع ایده جکلر . اجاره کبی برچوق بهانه لر ایله آلا جقلر . تدریجی ابتدا اوافق درت حکومت تشکیل ایدرلرسه ، سوکره بونلر کندی ارالرنده محاربه قابولری آچارلر ، دیرکن هربری یکدیگرینه قارشی اجنیلر التجاسنه مجبور اوله رق ، نصل تقسیم اولدیفنی خارجدن کورمک دکل ، کندیلری بیله حسن ایتزلر .

« الحرب خدعة » معنایی بودر ، بوايسه شیمدی غایت تجربه لی بریولدر : ترکیه نه اولدی ؟ ترکیه یوز ملیون نفوسی اولان بر ترکیه ایدی ، شیمدی ترکیه نکل قارندن چیقمش قاچ حکومت وار ! عجیبا شو تقسیمدن ترکیه نکل خبری وارمی ؟ بلغاریه بزم مللر ظن ایدرلردی . بوندن ۱۳ سنه مقدم فردینانده سلطان حمید شرقی روم والیدکی احسان ایتشدی ، فردینانده استانبوله خادم اوله رق کیردی ، ۱۳ سنه ده پادشاه اوله رق چیقدی .

یوسنه هر سکی ده موقت اداره ایده جکلردی . اوده کتیدی . انکلیرلر اعزایی نام شقی پی تربیه ایچون موقتاً مصر القاهره یه مسافر کیشلردی ؛ تملای یرلشدیلر . حالا ادب سز اعزایی پی تربیه ایده جکلر . بطلم بزه نه قالدی ؟ جزایر دیرسک الی قولاغنددر . قالاتی ایچونده سلطان چیمده دیدیلر : جاقیتلر اولسون ، هایدی بقالم سن یه !

بزم سیاسیون حالا ترکیه تقسیم اولنه جقمی ؟ دیه مسئله آجیورلر . هایدی بوکرده کرید جزیره سنی بزه احسان بیوردیلر ، نه بیوک اکرام ! عجیبا صحیح باغشلا دیلرمی ؟ بشای سوکره مسئله دهایی جک یاره آچمایه جفته امین اوله لمی ؟

بزم خاطر مه شوکلیر : آوروپالیر میراث تقسیم ایچون فرائض کتابنه مراجعت ایتورلر ، هر مملکته دوغریدن دوغری عصبه درلر والسلام .

مع مافیله بونلر هپ خیال در ، بونلرک عکسی دخی محال دکلدر ، دنیا ده اک لذتی نعمت طاتلی خیالدر . شو خیال دن حقیقته تولد ایدییور . مجموع خلقی ایکی یوز بیک نفوسدن عبارت قره طاغ ماتی ، شو طاتلی خیال سایه سنده ، ترکیه دن آیرلدی ، مستقل بر حکومت اولدی ، حاضرده مجموع عسکرینی طوبلایه جق اولورسه ، ایکی بیک عسکر چیقارمغه مقتدر دکل . بویله ایکن مستقل حکومت اولوب ، لدی الايجاب ترکیه یه یومرو قده کوستره بیلیر . شو حالده اوچوز ملیون نفوسی اولان چینه ترقی ایدرسه ، هیج عجب دکلدر ، فقط آوروپالیرک غدار نیچلرندن بنیان موجودیتلری قورتاره بیلیرلرسه بونه جناب حقک بیوک لطفی در ...

« پکین » عبدالرشید ابراهیم

هندستانه اداره مندره نسبتات

### هند مسلمانلری حقنده مساعدات

هندستانده تطبیق ایدلک اوزره بوندن اوچ سنه اول برتسیقات نظامنامه سی قلمه آلمش ایسه ده شمدی به قدر تطبیق ایدیه مه شمدی . بونظامنامه موجبنجه هندستان خط سی مختلف ولایتلره تقسیم ایدیلرک یرلی وانکلیرلردن مرکب مأمورین طرفندن اداره ایدیه جکلدر . هند مسلمانلرینک بادی اطمینانی اولوق اوزره هندستان مجلس اداره عمومیه سنده آتی مسلم اعضا بولنه جقدر . هندستان والیسنه سوء قصد وقوعی متعاقب انکلتره حکومتی برتسیقات نظامنامه سی تطبیق ایتمه قرار ویرمشدر . هندستانده ویرکو تحصیلاتی حقنده ده مهم تبدلات وقوعه کله جکلدر .

قلبه مسلمانلرینک منینفی

قلبه ده ساکن اهالی اسلامیه کچن هفته سلطان مراد ثانی جامع شریفی حولیسنده بر متینغ عقد ایدرک قلبه سنجائی داخنده کی مسلمانلرک حقوقی محافظه ایتک ایچون لازم کلن مذاکراتی اجرا ایشدر .

« مطبوعه خیریه و شرکائی » مدیر مسئول : اشرف اویسی